

X RADNA SJEDNICA UPRAVNOG ODBORA
Javne ustanove Bosansko narodno pozorište Zenica

Z A P I S N I K

MJESTO: **zgrada Javne ustanove Bosansko narodno pozorište Zenica,**
Trg Bosne i Hercegovine broj 3, Zenica,
II sprat, Kancelarija broj 45
DATUM: **srijeda, 27. 12. 2023. godine**
VRIJEME: **16.30 h**

Sjednici prisustvuju:

1. dipl. pravnik **Una Kulenović**, predsjednica
2. dipl. profesor **Aldina Aganović**, članica
3. dipl. glumac **Adis Mehanović**, član

ZAPISNIČARKA:

4. **Selma Tabaković-Jašar**, voditeljica Pravne službe JU BNP Zenica.
Sjednici, po službenoj dužnosti, prisustvuje i direktor BNP Zenica, **Miroljub Mijatović**.

Dnevni red:

1. Usvajanje Zapisnika sa 9. radne sjednice;
2. Kraći izvještaj o realiziranim i planiranim programsko-poslovnim aktivnostima – *izvjestilac*: direktor JU BNP Zenica;
3. Donošenje odluke o raspisivanju Javnog konkursa za izbor i imenovanje direktora;
4. Informacija o provedenom postupku Javnog oglasa za prijem na radno mjesto – *dramaturg* – *izvjestilac*: direktor JU BNP Zenica;
5. Informacija o donošenju Odluke o isplati poklona u novcu i dijela jednokratne novčane pomoći za radnike JU BNP Zenica – *izvjestilac*: *direktor JU BNP Zenica*;
6. Razno.

1. **Usvajanje Zapisnika sa 9. radne sjednice;**

ZAKLJUČAK: Upravni odbor JU BNP Zenica jednoglasno usvaja Zapisnik sa devete radne sjednice, koji je prethodno dostavljen elektronskim putem.

2. **Kraći izvještaj o realiziranim i programsko-poslovnim aktivnostima u pripremi, te međunarodnim i domaćim gostovanjima JU BNP Zenica – *izvjestilac*: direktor JU BNP Zenica;**

U okviru ove tačke dnevnog reda direktor JU BNP Zenica dostavlja informacije:

- U prethodnom periodu, a naročito tokom mjeseca decembra 2023. godine, JU BNP Zenica je ugovarala najam scenskih/prostornih kapaciteta u uvećanom obimu, uzimajući u obzir predstojeće novogodišnje praznike i druge tradicionalne manifestacije i programe,
- Kako je i prethodno planirano, nastavljen je rad na pripremi premijerne izvedbe pozorišnog projekta „Medeja“ u režiji Stevana Bodrože. Premijerna izvedba planirana je za 27. januar 2024. godine,
- U mjesecu decembru je potpisan Ugovor o grantu Evropske unije za projekat „The Sexual Theatre - A Feminist Readings of Classics“, koji BNP Zenica kao koordinator realizuje u saradnji sa tri ravnopravna partnera od početka 2024. godine do kraja 2025. godine. Transakcija u visini od =80% ukupnih namjenskih sredstava je uspješno izvršena na račun BNP Zenica, te će pripadajući iznosi na osnovu ugovorene dinamike biti i prebačeni na račune partnera i

- Na osnovu upućene aplikacije na poziv Fonda za zaštitu okoliša FBiH, dobili smo povratnu informaciju o dobijenim sredstvima u iznosu od =11.500,00 KM, namijenjenih za realizaciju naredne faze projekta koji se odnosi na energetska efikasnost, uz podršku osnivača – Grad Zenica.

ZAKLJUČAK: Upravni odbor JU BNP Zenica prima na znanje dostavljene informacije u okviru ove tačke dnevnog reda.

3. Donošenje odluke o raspisivanju Javnog konkursa za izbor i imenovanje direktora;

ZAKLJUČAK: U skladu sa članom 65. Pravila JU BNP Zenica (br. 266/23 i 850/23), Upravni odbor JU BNP Zenica donosi odluku o raspisivanju Javnog konkursa za izbor i imenovanje direktora, a isti će biti objavljen 05. 01. 2024. godine.

4. Informacija o provedenom postupku Javnog oglasa za prijem na radno mjesto – *dramaturg* – *izvjestilac:* direktor JU BNP Zenica;

ZAKLJUČAK: U okviru ove tačke dnevnog reda dostavlja se informacija da je okončana procedura javnog oglasa za prijem na radno mjesto *dramaturg* u OJ „Drama“. Na javni oglas pristigla je jedna prijava i kandidatkinja Nedžma Čizmo je nakon stručnog pismenog i usmenog ispita primljena u radni odnos na određeno vrijeme u trajanju od dvije (2) godine. JU BNP Zenica je uputila i obavijest Zeničko-dobojskom kantonu o provedenoj proceduri i prijemu na navedeno radno mjesto, a radi povrata sredstava na ime isplate plaće i drugih naknada, a koji je prethodno umanjen.

5. Informacija o donošenju Odluke o isplati poklona u novcu i dijela jednokratne novčane pomoći za radnike JU BNP Zenica – *izvjestilac:* direktor JU BNP Zenica;

Direktor JU BNP Zenica dostavlja informaciju Upravnom odboru da će radnicima JU BNP Zenica, osim poklona u novcu u visini od =350,00 KM za koji je odluku donijela Vlada Zeničko-dobojskog kantona, biti isplaćen i dio jednokratne novčane pomoći u visini od =350,00 KM iz vlastitih sredstava JU BNP Zenica, što je omogućeno prethodnim uspješnim poslovanjem. Ukupni iznos koji se isplaćuje radnicima JU BNP Zenica na osnovu posebno donesene odluke jeste 700,00 KM.

ZAKLJUČAK: Upravni odbor podržava donesenu odluku te ističe zadovoljstvo zbog ostvarenih rezultata koji su omogućili isplatu dijela jednokratne novčane pomoći iz vlastitih sredstava.

6. Razno

Informacija 1: Radi unapređivanja PR i marketing aktivnosti, u okviru projekta The Sexual Theatre - A Feminist Readings of Classics“ planiran je angažman stručnjaka iz ove oblasti, radi održavanja posebnih radionica-predavanja (4-5 vikenda), prema prethodnom dogovoru, a tokom perioda od dvije (2) godine, odnosno tokom trajanja projekta.

Informacija 2: U skladu sa Zaključkom Gradonačelnika, predviđeno je učešće JU BNP Zenica u realizaciji dijela novogodišnjeg programa za djecu i omladinu na dan 31. 12. 2023. godine, i u tu svrhu bit će izvedena i predstava za djecu uz ostali dio pripremljenog programa.

Informacija 3: Direktor JU BNP Zenica obavještava Upravni odbor JU BNP Zenica da je u svrhu uvida u realizaciju radova na rekonstrukciji krovnih ploha na zgradi JU BNP Zenica, zakazana i realizirana posjeta Gradonačelnika Grada Zenica. Tokom razgovora, ukazana je i mogućnost nabavke tepiha na Gornjem foajeu kao i sanacije poda na Velikoj sceni, te da isto bude predviđeno kroz Budžet Grada Zenice.

U tu svrhu, a radi pripreme okvirne finansijske procjene, pribavljene su ponude i iste okvirno iznose: - 125.000,00 KM za sanaciju poda i 111.000, 00 KM za nabavku novog tepiha.

Predsjednica Upravnog odbora takođe predlaže restauraciju i reparaciju (tapaciranje) fotelja koje su prethodno bile postavljene na Donjem foajeu, te ističe da posjeduje informaciju o licu koje bi stručno obavilo taj posao.

Direktor JU BNP Zenica je saglasan sa navedenim te će u tom smislu biti ostvaren kontakt radi uvida u cijenu restauracije.


Informacija 4: U cilju isušivanja prostorija u dijelu Donjeg i Gornjeg foajea, na osnovu molbe upućene nadležnoj službi Grada Zenica, na korištenje su ustupljene dvije mašine (top) za isušivanje vlage. Mašine će za sada biti u upotrebi na ovoj lokaciji (15-ak dana) te će prema procjeni potrebe biti izmještene i na druge lokacije.

Član Upravnog odbora Adis M., ističe da su prostorije toaleta na Donjem foajeu takođe jedan od bitnih segmenata koji zahtjeva sanaciju. Direktor JU BNP Zenica je saglasan i svakako smatra da je i to jedan od prioriteta. Takođe član Adis M. predlaže da se prednji dio JU BNP Zenica, ulaz za publiku, u narednom periodu osvijetli.

Informacija 5. Direktor JU BNP Zenica obavještava Upravni odbor JU BNP Zenica da je od zaostalih dugovanja JU BNP Zenica, jedino preostala isplata kamata na prethodna utužena dugovanja, te da su kamate u ukupno 7 sudskih postupaka, namirene za 3, te se redovno vrši isplata do konačnog namirenja.

Sjednica je zaključena u 17.10 h.

ZAPISNICA

**PREDSJEDNICA UPRAVNOG ODBORA
JU BNP ZENICA**


Selma Tabaković-Jašar


Una Kulenović

Zapisnik je sačinjen na tri (3) numerirane stranice.

Zenica, 28. 12. 2023. godine

Broj: 1256/23